

綫裝書局

高麗大藏經



韓國海印寺藏原本

高麗大藏經

綫裝書局影印

B 941
4
42

第四二册目次

彌沙塞部和醯五分律 三十卷 劉宋佛陀什、竺道生譯

四分律六十卷(一) 姚秦佛陀耶舍、竺佛念譯

二九三



部知醯五分律卷第一

草

宋寫藏佛經什共道生等譯

第一分初波羅夷法

佛在須賴婆國與大比丘衆五百人俱詣毗蘭若邑住林樹下其邑有婆羅門名毗蘭若波斯匿王以此邑封之聞佛釋種出家學道成如來應供等正覺明行足善逝世間解無上調御士天人師佛世尊普知世間一切心念為說正法初中後善善義善味具足清白梵行之相與諸弟子來遊此邑歎言善哉我願見佛即與五百眷屬前後圍繞出詣佛所遙見世尊在林樹下諸根寂定光明殊特歡喜踊躍下車步進住立問訊却坐一面令時世尊為說妙法示教利喜聞法歡悅即白佛言願佛及僧受我安居三月供養佛言我此衆多而汝異信異見異樂所奉事異復白佛言我雖異信異見異樂不以世尊此衆為多如是至三佛乃受之即從坐起右遶而去還家辦具安居供養時魔波旬

作是念今婆羅門請佛及僧安居三月我當慳盡迷亂其意念已即來慳之彼婆羅門為魔所欺即入後宮受五欲樂初守門者我今遊宴三月在內外事好惡一不得白都不復憶請佛及僧今時彼國信向邪道邑里未有精舍講堂城北有山林流清淨佛與大衆即而安居時世飢餓乞求難得入里分衛都無所獲時波利國有販馬師駝五百疋馬夏初來至熱時已到見此邑清涼水草豐茂便共停止養食諸馬時諸比丘至馬師所默然而立時波馬師信佛心淨慈念比丘乞求無獲便作是言正有馬麥若能食者當減半分一升相與足以支身可以行道諸比丘言佛未聽我食於馬分以是白佛佛以是事集比丘僧種種讚歎少欲知足告諸比丘自今已後聽食馬分時阿難即取佛分倩人為麩供養世尊諸比丘衆春養而食

時尊者目健連在靜處作是念今此國中乞食難得我今當與得神通者

五分律卷第一

第二

等

到鬱單越食自然粳米念已即從坐起至佛所頂礼佛足却住一面白佛言世尊我向作是念今此國中乞食難得當與得神通者到鬱單越食自然粳米佛告目連汝等可令凡夫比丘當如之何目連白佛我當以神力接之佛言止止汝雖有是神力宿對因緣欲置何所又奈將來諸凡夫何目連受教默然而止

時尊者舍利弗在靜處作是念過去諸佛何佛梵行不久住何佛梵行久住念已即從坐起至佛所頂礼佛足却住一面白佛言我向作是念過去諸佛何佛梵行不久住何佛梵行久住余時佛讚舍利弗言善哉善哉汝所念善所問亦善舍利弗維衛佛尸葉佛隨葉佛梵行不久住拘樓孫佛拘那含牟尼佛迦葉佛梵行久住舍利弗白佛言世尊以何因緣三佛梵行不久住三佛梵行久住佛告舍利弗三佛不為弟子廣說法不結戒不說波羅提木叉及弟子般泥洹後諸弟子種種名姓出家速滅梵行

五分律卷第一

第三

等

辟如無威散花置四衢道四方風吹隨風飄落何以故無礙持故如是舍利弗三佛不為弟子廣說法不結戒不說波羅提木又梵行所以不得久住又舍利弗隨葉佛與千弟子遊恐怖林所以名曰恐怖林者未離欲人入此林中衣毛皆豎是故名曰恐怖林也彼佛為弟子心念說法口無所言諸比丘當思是不思是當念是不念是當斷是當修是當依是行諸比丘心知是已漏盡意解得阿羅漢道舍利弗拘樓孫佛拘鄰舍牟尼佛迦葉佛廣為弟子說法無有疲厭所謂修多羅祇夜受記伽陀憂陀耶尼陀耶育多加婆本生毗富羅未曾有阿婆陀耶憂波提舍結戒說波羅提木又佛及弟子般泥洹後諸弟子種種種名姓出家不速滅梵行譬如雜華以經連之置四衢道四方風吹不能令散何以故經所持故如是舍利弗三佛廣為弟子說如上法是故梵行所以久住舍利弗白佛言世尊若以不廣說法不結戒不說波羅提木又梵行

五分律卷第一 第四品 尊

不久住者唯願世尊為諸弟子廣說法結戒說波羅提木又今正是時佛言且止我自和時舍利弗我此眾淨未有未曾有法我此眾中眾小者得須陀洹諸佛如來不以未有漏法而為弟子結戒我此眾中未有持多聞人故不生諸漏未有利養名稱故未有多欲人故未有現神足為天人所知識故不生諸漏

余時世尊三月安居竟便告阿難汝來阿難共至毗蘭若所阿難受教整衣服從佛至其門下時婆羅門在右樓上五欲自娛遙見世尊即便憶悟疾疾來下拭席迎坐五體投地為佛作禮悔過自言我愚癡人請佛安居竟不設供非情中悔亦非無物正自迷忘不復憶念唯願世尊受我悔過佛言汝實愚癡諸佛及僧竟不供養理應悔過今當與眾受汝懺悔又告婆羅門我聖法中知懺悔者增長善法彼婆羅門復白佛言願佛及僧留住一月受我供養佛不受之告言汝婆羅門異信異見但能請佛已是大

五分律卷第一 第三品 尊

事如足至三佛又不受告言我已在此安居三月今應遊行不得復住彼婆羅門復白佛言唯願世尊受我明日餞送供養佛便默然惡之時婆羅門竟夜辦具種種饌饌至明食時便敷牀座日時已到世尊與眾弟子俱往就坐彼婆羅門即設所供手自斟酌食畢行水以劫貝四張草屨一繩為安奉上世尊僧各兩張草屨一繩為安居施諸比丘言佛示聽我等受安居施以此白佛佛種種讚歎少欲知足讚戒讚持戒已告諸比丘因毗蘭若從今已後聽受安居施即皆受之於是婆羅門心大歡喜取小牀於佛前坐佛復為說隨喜之偈

五分律卷第一 第三品 尊

婆夷國王大臣沙門婆羅門供養恭敬尊重讚歎余時迦蘭陀邑諸長者事終入城聞佛世尊在重閣講堂皆詣佛所見佛世尊與無量眾圍遶說法時彼眾中有長者迦蘭陀子名須提那聞法歡喜即作是念如我解佛所說夫在家者恩愛所縛不得盡壽廣修梵行出家無著辭如虛空我今寧可以家之信出家修道眾會各歸前至佛所頂禮佛足白佛言世尊我向聞佛說法作如是念如我解佛所說夫在家者恩愛所縛不得盡壽廣修梵行出家無著辭如虛空我今寧可以家之信出家修道世尊我有是念今欲出家唯願與我出家受戒佛言甚善汝父母聽未答言未聽佛言一切佛法父母不聽不得為道即白佛言我今當還啓白父母佛言今正是時於是須提那便從坐起右繞三匝還家白父母言我聞佛法在家縛著今欲出家廣修梵行父母答言止須提那莫作是語吾先無子憐祠神祇僅而有汝一子之愛情念實重死

五分律卷第一

第七經

不相迷如何生難汝家饒富金銀寶物恣汝修德現世受樂何用出家棄吾情志告請至三父母不許便從坐起往於別處作是誓言若不得出家終不復食於此而死何用徒生即便不食至于六日親戚聞之咸來慰喻言汝父母唯汝一子愛念情重死尚不遠况聞生難汝家大富可以樹德道由於心不在形服何必傷生苦遠父母如是至三默然不受又諸時友亦來諫之告言如上亦復如是各捨之去至父母所咸作是言如我所見不可復轉若聽出家猶可時見不樂道者歸來有期絕食六日餘命漏剋數日之間當棄中野鴟鳥吞啄狼狽競食人父母聞寧忍此父母聞已街淚告言聽子出家修於梵行但為我共受時還相見親友聞已皆大歡喜復至其母語言汝父母已許汝出家不忘時歸便得去矣須提那即大歡喜至父母所自言我今詣佛出家修道父母悲泣告言聽汝出家廣修梵行但勿忘要時還見我於是須提

五分律卷第一

第八經

那拜辭父母繞三匝而去還至佛所頂禮佛足白佛言世尊父母已聽唯願與我出家受戒佛言善來比丘修詣梵行我善說法斷一切苦佛說是已須提那驢駘自落袈裟著身鉢盂在手即成沙門得具足戒出家未久時世飢饉諸比丘入城分衛者都無所獲須提那在閑靜處作是念今此飢饉乞求難得我所生處飲食豐樂當將諸比丘還我本邑今得供養并福度彼便從坐起與諸比丘還到本邑住林樹下父母聞之勅其婦言汝可莊嚴如吾子在家所好服飾莊嚴既畢父母將之同詣彼林時須提那見父母來起迎問訊父母語言汝何用毀形在林樹間可還捨道在家修善白父母言不能捨道還就下賤如是至三執心弥固父母嗔捨之還家須提那婦數日之中便有月水即以白姑姑歡喜言是有子相即勸莊嚴如前服飾父母復將共詣彼林時須提那問訊如上父母復言汝何用毀形在林樹間受此風露飢寒困苦

五分律卷第一

第九經

汝家財富天下所知但我私實積沒人首況父母物孰能量計汝可還家恣意修善現世受樂後享福慶自父母言如子所見五欲傷德歡樂如實憂苦延長終不以此捐修梵行如是至三答啓彌厲父母復言今雖吾子今為釋種違我以遺夫復何言但祖宗輟祠人倫情重王憲嗣絕財物沒官吾脩之矣汝豈不知餘願所期在汝續種汝其思之吾言盡矣時須提鄰聞誨悲泣默然奉命便與婦同歸在於本室三及行欲乃有神降時曉率隨大威德天命終受胎尔時地神告虛空神言迦蘭陀子於未曾僧中作未曾有事虛空神告四天王四天王告切利天展轉相告乃至梵天其婦月滿生子聰達名曰續種年大出家成阿羅漢時須提鄰犯此惡已即自悔責我今失利云何於佛正法出家而不究竟修於梵行羸瘦憔悴有氣息諸比丘見問言汝步好顏色今何憔悴將無不樂梵行犯惡罪耶答言我犯惡罪是故尔耳即問汝犯何

罪答言我共本二作不淨行諸比丘言汝所作不善非清淨行非沙門法不隨順道種種呵責如佛所說呵責已將至佛所以事白佛佛以是事集比丘僧諸佛常法知而故問知而不問知時問非時不問有益問無益不問諸佛常法有五百金剛神侍衛左右若佛問三及不以實答頭破七分佛問比丘欲何所說諸比丘重以白佛佛問須提鄰汝實尔不答言實尔世尊佛言汝愚癡人所作不善非清淨行非沙門法不隨順道此不能令未信者信今信者退汝不聞我種種呵欲欲想欲覺欲熱我常說欲如赤骨想除欲覺滅欲熱我常說欲如赤骨聚如大坑如利刀如利箭如毒蛇如毒藥如如夢誑惑於人汝今云何作此大惡汝豈不聞我所說法未離欲者能使離欲已放逸者今不放逸能斷渴愛離有為法無學離欲向無為道示人正要畢竟泥洹汝豈不聞三惡道苦汝若不作此大惡者佛正法中必得無量諸善功德汝初開

渴明為此大惡波旬常伺諸比丘短汝今便為開魔徑路摧折法幢建立魔魔須提鄰寧以身分內大火坑若毒蛇口不應以此觸女人身汝所犯惡永淪生死終不復能長養善法佛種種呵責已告諸比丘以十利故為諸比丘結戒何等為十所謂僧和合故攝僧故調伏惡人故慚愧者得安樂故斷現世漏故滅後世漏故令未信者信故已信者令增廣故法久住故分別毗尼梵行久住故徒今是戒應如是說若比丘行姪法得波羅夷不共住佛在舍衛城有阿練若比丘在空閑處住有獼猴群住彼左右時一比丘念雌獼猴以食誘之遂共行欲後眾多比丘案行卧具到其住處時彼此入城乞食雌獼猴來現姪欲相諸比丘共作是語觀此獼猴必當有故共伺察之其狀必現先住比丘須臾來還獼猴即往現受欲相時彼此便共行欲諸比丘見語言汝不聞佛結戒比丘行姪得波羅夷耶答言佛

制人女不制畜生諸比丘言人女畜生有何等異汝所作不善非清淨行非沙門法不隨順道此不能令未信者信今信者退汝不聞世尊種種呵欲欲相欲覺欲熱具說如上呵已將至佛所以事白佛佛以是事集比丘僧問言汝實余不答言實余世尊佛言汝愚癡人所作非法種種呵責亦如上說呵已告諸比丘從今是戒應如是說若比丘行姪法乃至共畜生得波羅夷不共住

佛在舍衛城爾時衆多比丘不樂修梵行共作是語佛法出家甚為大苦我等當共行白衣儀法外道儀法行白衣事外道事時亦入村非時亦入村行致盜淫飲酒食肉晝夜觀伎歌謠自娛數作是語無有慚愧時有持戒比丘少欲知足種種呵責已將至佛所以事白佛佛以是事集比丘僧問言汝實余不答言實余世尊佛種種呵責汝等不應共作是語行外道儀法白衣儀法若言行外道儀法語語偷羅遮白衣儀法突吉羅

五分律卷第一 第十三張 四

佛在三舍城時有跋耆邑比丘名孫陀羅難陀衆所知識供養恭敬不樂修梵行作外道儀法白衣儀法行致盜淫種種惡事彼諸居士不信樂佛法者呵責言云何沙門釋子作如此惡處屢感言孫陀羅比丘亦受五欲樂此等比丘無沙門行无婆羅門行不受沙門法不受婆羅門法此等比丘所不遊處皆得善利惡聲流布遍聞天下時孫陀羅還至衆中作是言與我出家受戒諸比丘言頂白世尊即以白佛佛以是事集比丘僧告諸比丘孫陀羅非比丘若已受戒應白四羯磨作減損若上座若上座等知法律者應如是白大德僧聽孫陀羅比丘戒羸不捨行姪法今僧與孫陀羅比丘作減損若僧時到僧忍聽白如是大德僧聽孫陀羅比丘戒羸不捨行姪法今僧與孫陀羅比丘作減損誰諸長老忍默然不忍者說第二第三亦如是僧與孫陀羅比丘作減損竟僧忍默然故是事如是持佛告比丘若比丘言行白衣儀法外道

五分律卷第一 第十四張 肆

儀法不名捨戒若口言我捨戒名為捨戒從今是戒應如是說若比丘共諸比丘同學戒法戒羸不捨行姪法乃至共畜生是比丘得波羅夷不共住

比丘者七比丘持壞色割截衣比丘破惡比丘實比丘堅固比丘見過比丘一語受戒比丘二語受戒比丘三語受戒比丘善來受戒比丘如法白四羯磨受戒比丘是名比丘同學者如佛所說盡形壽不犯同學是學是名同學戒法者所受不礙戒不生惡法戒成就善法戒定共戒戒羸不捨者睡眠捨戒向睡眠人捨戒不名捨戒醉捨戒向醉人捨戒狂捨戒向狂人捨戒散亂心捨戒向散亂心人捨戒病壞心捨戒向病壞心人捨戒向非衆生向非人向畜生捨戒遣使遺書捨戒作相捨戒動手捨戒相似語捨戒獨獨想獨不獨想不獨獨想捨戒中國語向邊地人邊地語向中國人捨戒戲笑捨戒不定語捨戒瞋心捨戒強逼捨戒不應向捨戒而向捨戒

五分律卷第一 第十五張 肆

皆不名捨戒不發言捨戒不名捨戒是名不捨戒及上名捨戒或戒贏非捨戒或捨戒非戒贏或戒贏亦捨戒或非戒贏非捨戒云何戒贏非捨戒若比丘不樂修梵行不樂修梵行已猶敬佛法僧敬戒敬沙門法敬比丘法敬毘尼敬波羅提木叉敬和尚阿闍梨同和尚阿闍梨敬同梵行人不謗三尊而憶鄉土園觀浴池山林樹木父母兄弟姊妹兒女乃至奴婢如是憶念愁憂不樂而盡形壽不犯梵行是名戒贏非捨戒云何捨戒非戒贏若比丘不樂修梵行不樂修梵行已猶敬佛乃至敬同梵行人彼作是念欲作沙弥若優婆塞乃至欲作外道梵志非沙門釋子復作是念我今欲捨佛法僧捨戒捨毘尼捨波羅提木叉捨和尚阿闍梨同和尚阿闍梨捨同梵行人即作是言我今捨佛何用佛為佛有何義我今於佛得脫乃至言我今得脫同梵行人復作是言作非沙門釋子畜我作如是謗佛法僧乃至謗同梵行人作如是等心念

五分律卷第一

第十六部 律

口言向人說是名捨戒非戒贏云何戒贏亦捨戒若比丘不樂修梵行少敬佛法僧乃至少敬同梵行人憶念鄉土乃至奴婢作是念我今欲捨佛法僧乃至捨同梵行人即作是言我今捨佛何用佛為佛有何義我今於佛得脫乃至脫同梵行人復作是言作非沙門釋子畜我作如是謗佛法僧乃至謗同梵行人作如是等心念口言向人說是名戒贏亦捨戒云何非戒贏非捨戒若比丘於所受戒堅持不捨不動不轉是名非戒贏非捨戒行姪法者姪法名非梵行法解急法拘法可惡法二身文會出不淨是名行姪法波羅塞者名為墮法云何惡法名斷頭法名非沙門法不共住者如先日衣時不得與比丘共一坐等學不等學不餘學不與比丘共一羯磨等羯磨不等羯磨不餘羯磨不與比丘共說戒等說戒不等說戒不餘說戒是名不共住諸佛世尊善說正法亦善說譬說犯姪者如針鼻尖不可復用如人命盡不可復活如

五分律卷第一 第二部 律

石破不可復合如斷多羅樹心不可復生

是中比丘與三種眾生行姪犯波羅夷人非人畜生比丘與三種女行姪犯波羅夷人女非人女畜生女與三種男人男非人男畜生男三種黃門人黃門非人黃門畜生黃門三種無根人無根非人無根畜生無根三種二根人二根非人二根畜生二根行姪亦如是比丘與人女非人女畜生女三處行姪大小行處口中眠時醉時在時散亂心時病壞心時死時敢半時波羅夷過半時骨時出不淨僧伽婆尸沙出不淨偷羅遮無根男時黃門亦如是於上諸處行姪外方便內出不淨內方便外出不淨眠時乃至敢半時波羅夷過半時骨時出不淨僧伽婆尸沙出不淨偷羅遮比丘若為強力所逼於上

五分律卷第一 第八部 律

諸處行姓入時受樂出住下受出時
受樂入住不受住時受樂出入不受
出入受樂住時不受入住受樂出時
不受出住受樂入時不受出入住時
受樂眠時乃至噉半時波羅夷過半
時骨時出不淨僧伽婆尸沙不出不
淨偷羅逮出入住時都不受樂不犯
若比丘淫欲心以男根內上諸處一
分皆波羅夷若以指一切外物內上
諸處皆偷羅逮比丘尼亦波羅夷
式又摩那沙弥沙弥尼突吉羅驅出
不犯者狂心乱心病壞心初作此四
種不犯下一切諸戒皆如是急不復
出佛在三舍城尔時有比丘名達尼
迦是陶家子於乙羅山作草菴住至
時持鉢入城乞食取樵人於後轉壞
其菴持材木去食後還已復更治之
如是至三心轉懷恨便作是念我身
幸能善於和泥何為不作完成瓦屋
以遮斯患即便作之脊棟椽樑樓柱
桁梁綺疏牖戶巧妙若神積薪燒成
色赤巖好大風吹時作笙篴聲佛在
耆闍崛山遙見其屋種種刻畫色亦

五分律卷第一 第十九 四

嚴好問阿難言彼是何屋阿難白佛
是達尼迦身力所作佛告阿難是達
尼迦所作非法云何出家為此惡業
殘害物命而無哀愍我先種種說慈
忍法如何比丘無此慈心世尊如是
種種呵已告諸比丘汝等往彼破其
所作比丘受教即往屋所時達尼迦
從屋內出問諸比丘我不相犯何為
群黨欲破我屋諸比丘言奉世尊勅
非我等心達尼迦言法王所壞我復
何言諸比丘即共破之將達尼迦還
至佛所以事白佛佛以是事集比丘
僧問達尼迦汝實作不答言實作世
尊佛種種如上呵責已告諸比丘從
今若比丘作燒成瓦屋偷羅逮目現
工巧突吉羅時達尼迦復作是念我
先結草菴雖為樵人所壞後作瓦屋
復違法王出家之體今寧可更求好
材建立大屋必得久住無復苦惱復
作是念王舍城由材今是我知識當
往從索念已便往語言我須材木可
以與我典材今言我於材木不得自
由問言由誰答言由王達尼迦言王

五分律卷第一 第二十二 草

已與我典材今言若王已相與隨意
取之達尼迦便取城防大材斷截持
去時兩舍大臣案行諸處遇見於道
即問典材今何以乃持城防大材與
彼比丘答言非是我與復問是誰答
言是王兩舍即啓不審大王何以乃
以城防大材與達尼迦王言誰道我
與兩舍言是典材今王即勅左右取
典材令受教即取將詣王所時達尼
迦入城乞食道路見之問言汝何所
犯繫縛乃尔答言由大德故致此大
罪願見殺免全其性命達尼迦言汝
且在前吾尋後到時典材今既至王
所王問汝何以乃持城防大材與達
尼迦白言大王不敢專執達尼迦言
王教使與王便勑呼時達尼迦已在
門外王勑令前即前見王王問言我
以何時與比丘持達尼迦言王豈不憶
初登位時以一切境內草木及水施
沙門婆羅門耶王言我本所施不及
有主恠哉比丘乃作此方便而取人
物復語言我是灌頂王如何當因然
沙門如今便可速還詣佛法王自當

五分律卷第一 第二十三 草

以法治汝時有聞者皆驚愕言連尼
迦犯罪應死云何呵責而便放遣如
此得脫罪不為盜又譏呵言沙門釋
子親受王供而盜王材况復我等當
得無畏沙門釋子常讚歎不盜教人
布施如何於今躬行賊法此等無沙
門行破沙門法如此惡聲展轉流布
國中不信樂佛法長者居士婆羅門
等遙見沙門輒種種罵詈比丘聞更
相問言誰盜王材致是惡聲達尼迦
言是我所作時諸比丘種種呵責汝
所作非法不隨順道世尊種種毀訾
不與取讚歎不盜汝今云何躬行賊
法諸比丘如是呵責已將詣佛所以
事自佛佛以是事集比丘僧問達尼
迦汝實不答言實尔世尊佛種種
呵責如須提那尔時摩竭大臣出家
修道侍佛左右佛問比丘阿闍世三
人盜齊幾便得死罪比丘自佛五錢
已上便與死罪佛復以此更呵責已
告諸比丘以十利故為諸比丘結戒
從今是戒應如是說若比丘盜五錢
已上得波羅夷不共住

五分律卷第一 第二十三經 畢

佛在舍衛城時有眾多比丘作是語
佛所制戒為聚落中物非謂空地又
有諸比丘作是語犯與非犯制與不
制但取無苦便各以盜心取空地有
主無主物取已各生疑悔到阿難所
問阿難阿難即以白佛佛以是事集
比丘僧問言汝實不答言實尔世
尊佛種種呵責汝等聚落空地有何等
異呵責已告諸比丘從今是戒應如
是說若比丘若聚落若空地盜心不
與取若王若大臣若捉若縛若繫若
擯語言汝取汝小汝藏是比丘得波
羅夷不共住若戒漸若難欄周迴園達
三由旬乃至一屋是名聚落聚落外除
聚落所行處是名空地聚落外盡一
箭道有慚愧人所便利處是名聚落
所行處物屬他所護不與而取是
名盜心又以盜心曲心瞋恚心恐怖心
取他物亦名盜心若自取若使人取物
離本處是名不與取國主聚落主灌
頂王將輪王名為王典領國事者名
為大臣捉其手殿名為捉相械如錄
名為縛以刀杖等斷其命名為殺

五分律卷第一 第二十三經 畢

出一住處乃至一國名為擯離善法
無記法墮不善處名為賊無所識名為
小入黑闇名為礙是中犯者地中物地
上物虛空物聚落聚落物站站物田地
物園園物屋屋物乘乘物擔擔物船
船物池池物寄選選路伺路示處導
道教取共取不輸稅
地中物者若物在地中比丘作念我
當盜是物發心及方便皆突吉羅掘
地波途捉捉物突吉羅動物偷羅
遮離本處直五錢波羅夷減五錢偷
羅遮
地上物者物在地上若牀架机橙戶
相承棟乃至屋上樹上如是等盡名
地上物比丘作念我當盜是物發心
及方便乃至捉物皆突吉羅動物偷
羅遮離本處直五錢波羅夷減五錢
偷羅遮
虛空物者若以神力置物空中或有
主鳥銜或風吹來比丘作念我當盜
是物發心及方便皆突吉羅動物偷
羅遮離本處直五錢波羅夷減五錢
偷羅遮
聚落者周圍三由旬乃至一屋處比

五分律卷第一 第二十四經 畢

丘作是念我當盜是聚落發心及方便皆突吉羅打忒推波逸提緇量淨得直五錢波羅夷減五錢偷羅遠聚落物者隨聚落中所有物比丘作念我當盜是物得者波羅夷

田者水陸諸田比丘作念我當盜是田發心及方便皆突吉羅打忒推波逸提緇量淨得波羅夷田物者隨田中所出五穀諸物比丘作念我當盜是物得者波羅夷

園者菓菜諸園比丘作念我當盜是園發心及方便皆突吉羅打忒推波逸提緇量淨得波羅夷園物者隨園中所出物比丘作念我當盜是物得者波羅夷

屋者在家出家人所居屋若重屋比丘作念我當盜是屋發心及方便皆突吉羅打忒推波逸提緇量淨得

波羅夷屋物者隨屋中所有物比丘作念我當盜是物得者波羅夷

乘者象馬車輦諸乘比丘作念我當盜是乘發心及方便乃至捉時皆突吉羅動物偷羅遠離本處直五錢波羅夷減五錢偷羅遠乘物者隨乘上所有物比丘作念我當盜是物得者波羅夷

檐者頭戴有檐背負手提盡名為檐比丘作念我當盜是檐發心及方便皆突吉羅動物偷羅遠離本處直五錢波羅夷減五錢偷羅遠檐物者隨檐中所有物比丘作念我當盜是物得者波羅夷

船者皮船瓶船木船軍筏盡名為船比丘作念我當盜是船發心及方便皆突吉羅動物偷羅遠離本處直五錢波羅夷減五錢偷羅遠船物者隨船上所有物比丘作念我當盜是物得者波羅夷

池者陂湖諸水盡名為池比丘作念我當盜是池發心及方便皆突吉羅打忒推波逸提緇量淨得直五錢

波羅夷減五錢偷羅遮池物者隨池所出物比丘作念我當盜是物得者波羅夷

寄者人寄比丘物盜心不還物主心捨直五錢波羅夷減五錢偷羅遮寄還者比丘受他寄物盜心不與彼人直五錢波羅夷減五錢偷羅遮

遷路者比丘為賊遮路不聽異人求同路者伺候見人便往語賊示處者比丘示賊路處

導道者比丘在賊前導教取者教賊取物之方共取者共賊取物不輸稅者比丘應輸稅而不輸如上諸事取物直五錢波羅夷減五錢偷

羅遮若人物不與取五錢已上比丘尼突吉羅羅遮出非人物不與取比丘尼突吉羅畜生物不與取皆突吉羅四種取人重物不犯自想取同意取暫用取非盜心取

五分律卷第一 第二十五 淨

五分律卷第一 第二十六 淨

五分律卷第一 第二十七 淨

五分律卷第一

甲辰歲高麗國大藏部監家
勅剛造

五分律卷第一 第七十八卷

五分律卷第二

沙彌

尊

天竺百三言佛經行二生道生事譯

第一分初第三事

佛在毗舍離小時世尊告諸比丘修
不淨觀得大果利時諸比丘即皆修
習深入厭惡耻愧此身譬如少年好
喜淨潔浴塗身者新淨水忽以三
履嬰加其面膿血逼身至流滿體其
人告喜無復餘想但念何當脫此耻
厭諸比丘默惡此身亦復如是其中
或有自救更轉相害或索刀繩或服
毒藥有一比丘默惡身已便往忉隣
旃陀羅開語言為我斷命永鋒相與
時旃陀羅為永鋒故即以利刀而斷
其命有血汙刀持至婆求末河洗之
尋生悔心作是念我今不善云何為
小利故而斷持戒沙門性命得無量
罪時自在天魔知其心念辭如壯士
屈申膝須臾至其前從水踊出立於
水上讚言善哉汝得大利斷持戒沙
門命未受者度福慶無量天神記錄
故來告汝時旃陀羅便生惡邪見心

大歡喜我今當更度未度者彼旃陀
羅善知厭身未厭身相若凡夫比丘
未離於欲舉刀向時心恐怖者是未
厭身我若救之得福甚少我今當求
已得道果無恐怖者是手執長刀
從房至房從經行處至經行處高聲
唱言欲滅度者我當度之時諸比丘
默惡身者皆出就之尋斷其命於一
日中殺二十乃至六十以是因緣
僧數減少大德聲聞悉不復現今時
世尊從三昧起在露處坐大眾圍繞
觀視僧眾告阿難言今日僧眾何故
減少阿難白佛世尊一時為諸比丘
說不淨觀比丘修習厭惡身苦轉相
殘殺乃至弑隣一日之中傷害梵行
六十人命是故今日僧眾減少善哉
世尊唯願更說餘善道法令諸比丘
得安樂住佛告阿難汝今宣令依止
毗舍離比丘皆使來集普會講堂阿
難受教即呼來集集已白言唯聖
知時世尊從坐起至講堂就座而坐
問諸比丘實有上事不答言實尔世
尊佛種種呵責汝等愚癡所作非法

豈不聞我所說慈忍護念衆生而今
云何不憶此法呵已告諸比丘若自
殺身得偷羅遮罪又告從今已後應
修安般念樂淨觀樂喜觀觀已生惡
不善法即能除滅以十利故為諸比
丘結戒從今是戒應如是說若比丘
手自殺人斷其命是比丘得波羅夷
不共住

余時衆多比丘得重病有諸比丘來
問訊言大德病寧有損告可忍不病
比丘言病猶未損告不可忍便語諸
比丘與我刀繩與我毒藥與我增病
食將我至高岸邊時諸比丘皆隨與
之病比丘或以刀自刺或以繩自絞
或服毒藥或食增病食或墜高岸自
斷其命諸比丘見其死已便生悔心
以白阿難阿難將至佛所以事白佛
佛以是事集比丘僧問諸比丘汝等
實余不答言實余世尊佛種種呵責
汝等愚癡自斷人命與刀令死有何
等異從今是戒應如是說若比丘自
斷人命持刀授與得波羅夷不共住
復有比丘得重病諸比丘來問訊如

五分律卷第二 第三張 經

上語諸比丘與我刀繩毒藥諸比丘
言佛不聽我與人自教之具然我有
知識獵師當為汝喚今斷汝命病比
丘言為我速喚彼比丘走語獵師言
此有比丘得重病不復樂生汝為斷
命可得大福獵師言若教生得大福
者屠膳之人得大福耶汝等比丘自
言有慈悲心今教人教教人教與自
教有何等異時諸比丘皆生悔心往
白阿難阿難將至佛所以事白佛佛
以是事集比丘僧問諸比丘汝實余
不答言實余世尊佛種種呵責語諸
比丘言自教教人教有何等異從今
是戒應如是說若比丘自教教人教
得波羅夷不共住

復有比丘得重病諸比丘問訊如上
語病者言汝等戒行具足應受天福
若自教者必得生天何用如是久受
苦為病比丘言若當如是雖有此苦
不能自教何以故若自教者犯偷羅
遮罪又復不得廣修梵行又呵言自
手教人教人自教有何等異而汝比
丘為此惡業諸長老比丘問種種呵

五分律卷第二 第四張 經

責將至佛所以事白佛佛以是事集
比丘僧問諸比丘汝實余不答言實
余世尊佛種種呵責汝等愚癡自手
教人教人自教有何等異從今是戒
應如是說若比丘自手教人教人自
教得波羅夷不共住

復有比丘得重病諸比丘問訊如上
亦語病者言汝等梵行已立死受天
樂何用久受如此痛苦而不自教病
比丘言我等雖余不能自教何以故
佛制自教犯偷羅遮又我病差得修
梵行余時彼國又有賊難諸白衣骨
肉分離脩諸痛惱比丘語言汝等已
修生天福業何用受此骨肉生離憂
悲之苦而不自教答言我雖憂悲不
能自教何以故在世遭苦知修道業
又呵言沙門之道慈忍衆生云何讚死
欲人自教自教讚死有何等異諸長
老比丘聞種種呵責將至佛所以事
白佛佛以是事集比丘僧問諸比丘
汝實余不答言實余世尊佛種種呵
責汝所作非法自教讚死有何等異
從今是戒應如是說若比丘若人若

五分律卷第二 第五張 經

似人若自教若與刀藥教若教人教若教自教譽死讚死出人用惡活為死勝生作是心隨心教如是種種因緣彼因是死是比丘得波羅夷不共住

入母胎已後至四十九日名為似人過此已後盡名為人自以手足刀杖毒藥等教是名自教彼欲自教求教具與之是名與刀藥教使人教是名教人教教人取死是名教自教言死勝生是名譽死讚死隨心遣諸鬼神教是名作是心隨心教

是中犯者自教遣使展轉使重遣使指示言說眠時說向眠說醉時說向醉說狂時說向狂說亂心說向亂心說病壞心說向病壞心說遣書作相手語相似語獨獨想不獨獨想獨不獨想戲語色聲香味觸優波頭優波奢優波害

自教者自以手足刀杖等教彼人死者波羅夷遣使者遣使教彼人彼人死者波羅夷展轉使者遣某甲教某甲不自教轉使乙教死者波羅夷重遣

五分律卷第二 第六張 草

者始受使人不得教還報比丘比丘更遣使教死者波羅夷指示者指示日月星宿語人言汝福應生彼汝可自教從而死者波羅夷言說者說生過惡讚歎死好因此死者波羅夷眠時說者比丘眠中說先所念言汝功德已成應可自教彼人聞已待覺問言汝何故說此答言我眠中欲利益汝故作是語汝今覺亦作是語汝可隨我語死彼因是死者波羅夷向眠說者向眠人作是語汝功德已成可以刀等自教鬼神今眠中聞即覺問言汝何故說此答言汝眠時我欲利益汝故作是語汝今覺亦作是語汝可隨我語死因是死者波羅夷醉時說者醉中說先所念言汝功德已成應以刀等自教彼人聞已待醒問言汝何故說此答言我醉時欲利益汝故作是語今醒亦作是語汝可隨我語死因是死者波羅夷向醉說者作是言汝功德已成汝可以刀等自教醉醒已問言汝何故說此答言我欲利益汝故汝醉時作是語汝今醒亦

五分律卷第二 第七張 草

作是語汝可隨我語死因此死者波羅夷狂時說向狂說亂心說向亂心說病壞心說向病壞心說亦如是遣書者比丘遣書令教彼作書字字偷羅遮書至彼彼因是教死者波羅夷作相者比丘語人言汝看我坐起舉手下手口言寒暑時便教彼被見相便教死者波羅夷手語者作手語教人教彼隨此教死者波羅夷相似語者比丘作相似語教人教彼隨此教死者波羅夷獨獨想者空言羅不獨獨想獨不獨獨想者偷羅遮戲語者比丘戲笑語汝功德已成可應自教彼人間言何故說此比丘答言我先雖是戲言今意實尔汝可自教因此死者波羅夷色者若比丘作呪術占惡色鬼神使恐怖人因此死者波羅夷聲者若比丘作是語汝父母兒女已死財物破散作如是語欲令憂惱自教因此死者波羅夷香者以毒合和諸香今嗅便死因是死者波羅夷味者以毒著食中今食因是死者波羅夷觸者以迦毗毒藥塗身教因是死者

五分律卷第二 第八張 草

波羅夷夏波頭者為一切衆生作宰
教若人墮死波羅夷非人墮死偷羅
遮畜生墮死波逸提優波奢者作弱
牀薄覆其上下安教具使人坐上因
是死者波羅夷優波奢者作蠱毒教
因是死者波羅夷若比丘作是念我
當教彼人發心時突吉羅作方便時
偷羅遮死者波羅夷若教非人偷羅
遮若教畜生波逸提比丘尼亦如是
式叉摩那沙弥沙弥尼突吉羅不犯
者慈愍心無煞心

第三事竟

佛在毗舍離時世飢饉乞食難得諸
比丘入城分衛都無所獲尔時世尊
告諸比丘汝等各隨知識就彼安居
莫住於此受飢饉苦比丘受教有往
摩竭國者有往婆求末河邊聚落中
者往河邊詣比丘集共議言今乞食
難得此聚落中有信樂者我等當共
更相讚歎某得初禪我亦得之某得
二禪三禪四禪四無量處四無色定
我亦如是某得四念處乃至八正道
分三解脱門我亦如是某得八解脱
九次第定十一切入十直道我亦如

五分律卷第二 第九誑 尊

是某得堅信堅法四沙門果三明六
神通我亦如是諸居士聞必生希有
心作是語我得善利乃有如是得道
聖人安居我邑便當具諸餽饌供養
我等我等無乏得安樂住議已即便
入城到諸富家共相稱讚如上所說
語言汝得大利聖衆福田依汝聚落
諸居士聞生希有心數未曾過皆咸
已分不復祭祠斷施餘人并以供養
諸佛常法二時大會春夏末月諸方
比丘皆來問訊摩竭國諸比丘安居
竟羸瘦憔悴來詣佛所頂礼佛足却
住一面諸佛常法客比丘來皆加慰
問問言汝等安居和合乞食易得道
路不疲耶諸比丘言安居和合道路
不疲但乞食難得時佛為說種種妙
法示教利喜令隨所住婆求末河諸
比丘身體充悅來詣佛所頂礼佛足
却住一面佛亦如上慰問諸比丘白
言安居和合乞食易得道路不疲佛
即問言今世飢饉乞求難得汝等去
何而獨言易諸比丘白佛我等在彼
以乞食難得更相讚歎具說如上佛

五分律卷第二 第十誑 尊

即問言汝等讚歎為實為虛比丘白
佛有實有虛佛種種呵責虛者汝等
非法不隨順道出家之人所不應作
寧取燒石吞飲洋銅不以虛妄食人
信施汝等豈不聞我毀訾妄語之罪
種種讚歎不妄語德耶而今云何為
利養故虛誑自說得過人法復呵責
言諸比丘世間有五大賊一者作百
人至于千人主破城聚落害人取物二
者有惡比丘將諸比丘遊行人間邪
命說法三者有惡比丘於佛所說法
自稱是我所造四者有惡比丘不修
梵行自言我修梵行五者有惡比丘
為利養故空無過人法自稱我得其
第五賊名為一切世間天人魔梵沙
門婆羅門中之最大賊汝等云何為
小利養作最大賊如是呵責已告諸
比丘以十利故為諸比丘結戒從今
是戒應如是說若比丘不知不見過
人法聖利滿足自稱我如是知如是
見後時若問若不問為出罪求清淨
故作是言我不知言知不見言見虛
誑妄語是比丘得波羅夷不共住

五分律卷第二 第十一誑 尊

佛在舍衛城有衆多少聞比丘不學不問無過人法自謂我知我見我證彼於後時聞諸比丘講論得道未得道相乃悟非道生慚愧心作是念我等先未得謂得將無犯波羅夷罪復

有少聞比丘不學不問無過人法自謂我知我見我證彼於後時廣學諸經生慚愧心作是念如我今解佛所說法先未得謂得是增上慢將無犯波羅夷罪復有少聞比丘不學不問無過人法自謂我知我見我證彼於後時廣修梵行得入道果生慚愧心作是念我先未得謂得是增上慢將無犯波羅夷罪諸比丘念已各詣阿難皆以問之阿難將至佛所具以白佛佛以是事集比丘僧各隨其事問諸比丘汝實余不答言實余世尊佛告諸比丘有五種現過人法一者愚癡二者乱心三者隨惑四者增上慢五者實有若愚癡乱心增上慢實有而自言我得犯波羅夷者無有是處從今是戒應如是說若比丘不知不見過人法聖利滿足目稱我如是知如是見是比丘後時若問若不問爲出罪求清淨故作是言我不知言知不見言見虛誑妄語除增上慢是比丘得波羅夷不共住

五分律卷第二 第十三張 尊

不知不見者不知不見過人法一切出要法謂諸禪解脫三昧正受諸聖道果是名過人法於佛所說告集滅道已辦已足更無所求是名聖利滿足自說我如是知見法法亦知見我是名自稱我如是知如是見若一月乃至一歲後問汝云何得何處得從誰得以何法得若不問而自發露所犯求戒淨心淨見淨疑淨言我不知不見苦集滅道言知言見虛誑妄語雖作如此發露故得波羅夷

是中犯者有二種得波羅夷一者先作是念我當虛說得過人法二者當說時作是念我今虛說得過人法復有三種得波羅夷二如上說三者作是念我已虛說得過人法復有四種得波羅夷三如上說四者異見說過過人法復有五種得波羅夷四如上說五者異想說過人法復有六種得波羅夷五如上說六者異忍說過人法復有七種得波羅夷六如上說七者異樂說過人法復有八種得波羅夷七如上說八者不隨問答說過人法有四種非聖語四種聖語非聖語者不見言見不聞言聞不覺言覺不知言知聖語者見言見聞言聞覺言覺知言知又八種非聖語八種聖語非聖語者不見言見見言不見不聞言聞聞言不聞不覺言覺覺言不覺不知言知知言不知及上名八聖語又十六非聖語十六聖語非聖語者不見言見不聞言聞不覺言覺不知言知見言不見聞言聞不聞覺言不覺知言不知見疑言不疑聞疑言不疑覺疑言不疑知疑言不疑見不疑言疑聞不疑言疑覺不疑言疑知不疑言疑及上名十六聖語

五分律卷第二 第十三張 尊

若比丘向人自稱得過人法解者波羅夷不解者偷羅遮向非人說偷羅遮向畜生說突吉羅比丘尼亦如是式叉摩那沙弥沙弥尼突吉羅不犯者實語

四分律卷第二 第十四張 尊